

Na osnovu člana 73. Zakona o građevinskom zemljištu Federacije Bosne i Hercegovine («Službene novine FBiH» broj 67/05), člana 13. stav 3. alineja 8. Zakona o principima lokalne samouprave u Federaciji BiH («Službene novine FBiH» broj 49/06) i člana 25. stav 1. tačka 2. Statuta Općine Zavidovići («Službeni glasnik Općine Zavidovići» broj 5/2008 i 5/a/2008), Općinsko vijeće Zavidovići na 12. sjednici, održanoj 06.07.2009. godine donijelo je

O D L U K U

o izmjenama i dopunama Odluke o plaćanju naknade za korištenje gradskog građevinskog zemljišta

Član 1.

U članu 5. Odluke o plaćanje naknade za korištenje gradskog građevinskog zemljišta («Službeni glasnik Općine Zavidovići» broj 15/2004 i 1/2006) iza stava 1. dodaje se novi stav 2. koji glasi: „Nakon prestanka postojanja građevine ne prestaje obaveza plaćanja naknade za zemljišnu parcelu na kojoj je objekat bio sagrađen“.

Član 2.

U članu 7. stav 1. iza riječi „prostora“ dodaju se riječi „ili zemljišne parcele“.

Član 3.

U članu 9. iza stava (1) dodaje se stav (2) koji glasi: „Visina naknade za korištenje gradskog građevinskog zemljišta za zemljišne parcele određuje se samo na osnovu pripadnosti zemljišne parcele određenoj zoni utvrđenoj Odlukom o određivanju zona“.

Član 4.

Iza člana 10. dodaje se član 10a. koji glasi: „Visina naknade za korištenje gradskog građevinskog zemljišta po jedinici mjere površine zemljišne parcele za jedan mjesec, određena je koeficijentom pogodnosti po zonama i iznosi:

1. prva zona.....	0,13	(koeficijent pogodnosti)
2. druga zona.....	0,12	-II-
3. treća zona.....	0,10	-II-
4. četvrta zona.....	0,07	-II-
5. peta zona.....	0,06	-II-
6. šesta zona.....	0,04	-II-

Ukoliko je na zemljišnoj parceli izgrađen objekat, površina koju poklapa objekat neće se računati u korisnu površinu zemljišne parcele“.

- 480 -

Član 5.

Član 15. mijenja se i glasi:

„Najniža mjesečna naknada za korištenje gradskog građevinskog zemljišta koja se plaća za stambeni i garažni prostor, kao i zemljišnu parcelu iznosi 1,00 KM po objektu i zemljišnoj parceli, za vikend prostor iznosi 5,00 KM po objektu, za proizvodni prostor iznosi 4,00 KM po objektu, a za poslovni prostor iznosi 3,00 KM po objektu.

Odredba stava 1. ovog člana primjenjivat će se samo u slučaju kada utvrđena naknada za korištenje gradskog građevinskog zemljišta na osnovu člana 10a. do 14. ove Odluke bude iznosila manje od iznosa utvrđenog u prethodnom stavu ovog člana za pojedine vrste prostora i zemljišnu parcelu“.

Član 6.

Ovlašćuje se Komisija za propise i statut da utvrdi prečišćeni tekst Odluke o plaćanju nakanade za korištenje gradskog građevinskog zemljišta.

Član 7.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići, a primjenjivat će se od 01.01.2010. godine».

OPĆINA ZAVIDOVIĆI
- OPĆINSKO VIJEĆE -

Broj:01-23-774/09
Dana: 06.07.2009. godine

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

(M.P.)